

## ZAPISNIK

sa osamnaeste vanredne sjednice Upravnog odbora Univerziteta u Tuzli održane u **ponedjeljak 24.11.2022.** godine, sa početkom u **12,00 sati** u Sali za sjednice Rektorata Univerziteta u Tuzli

Na osamnaestoj vanrednoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Anita Petrović, vanr. prof, Sjednici nisu prisustvovali, Adela Šaldić i dr. sci. Franc Andrejaš, vanr.prof., koji je izostanak opravdao (bolovanje).

Osim članova Upravnog odbora sjednici je prisustvovao, Prorektor za nastavu i studentska pitanja, dr. sci. Jasmin Suljagić, vanr. prof., kao zamjenik Rektorice Univerziteta po punomoći, zbog njene službene odsutnosti

Sjednici je prisustvovao i Ahmo Muhić, dipl. pravnik, sekretar Upravnog odbora.

Predsjednik Upravnog odbora je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio osamnaestu vanrednu sjednicu Upravnog odbora.

Dao je na usvajanje predloženi dnevni red.

Kako nije bilo prijedloga za izmjene i dopune dnevnog reda, za ovu sjednicu, jednoglasno je usvojen sljedeći

### DNEVNI RED:

1. Upoznavanje sa Presudom Kantonalnog suda u Tuzli broj: 03 0 U 022807 22 U od 17.11.2022. godine.
2. Preispitivanje odluka Upravnog odbora Univerziteta u Tuzli u vezi sa postupkom izbora i imenovanja Generalnog sekretara Univerziteta u Tuzli.

### Rad na sjednici:

#### TAČKA 1.

**Upoznavanje sa Presudom Kantonalnog suda u Tuzli broj: 03 0 U 022807 22 U od 17.11.2022. godine.**

Predsjednik Upravnog odbora je dao uvodne napomene i konstatovao, da je Rektorica Univerziteta na njegovo traženje u evidenciju Upravnog odbora dostavila ovjerenu fotokopiju Presude Kantonalnog suda u Tuzli broj: 03 0 U 022807 22 U od 17.11.2022. godine.

U toku diskusije konstatovano je da se Sud u presudi nije očitovao o meritumu samih rješenja koja se tužbom pobijaju, tako da nije poznato da li je Upravni odbor zakonito postupao kada je poništio odluke na čije nezakonitosti je ukazao Glavni inspektor. U tom smislu je istaknuto da ostaje nejasno kako Upravni odbor da postupa u buduće kada je u pitanju izbor i imenovanje Generalnog sekretara.

Nakon diskusije Predsjednik je konstatovao da presuda obavezuje Upravni odbor jer je odluke o poništavanju odluka u proceduri izbora Generalnog sekretara donio izvršavajući Rješenje kantonalnog inspektora i Rješenje Ministarstva obrazovanja i nauke. Konstatovao je da na presudu žalba nije dozvoljena, te je ista izvršna i obavezujuća.

## **TAČKA 2.**

### **Preispitivanje odluka Upravnog odbora Univerziteta u Tuzli u vezi sa postupkom izbora i imenovanja Generalnog sekretara Univerziteta u Tuzli**

Nakon što se upoznao sa sadržajem Presude Kantonalnog suda u Tuzli broj: 03 0 U 022807 22 U od 17.11.2022. godine, u okviru ove tačke dnevnog reda Upravni odbor je većinom glasova od ukupnog broja članova donio sljedeće odluke:

#### **2.1**

### **ODLUKU o poništavanju Odluke Upravnog odbora broj:04-6345-1-3.1/22 od 14.11.2022.godine**

#### **I**

Poništeva se Odluka Upravnog odbora Univerziteta u Tuzli broj: 04-6345-1-3.1/22 od 14.11.2022.godine.

#### **II**

Ova Odluka je konačna.

### **O b r a z l o ž e n j e**

Odlukom Upravnog odbora Univerziteta u Tuzli broj:04-6345-1-3.1/22 od 14.11.2022. godine poništena je Odluka Upravnog odbora o raspisivanju Internog oglasa za izbor i imenovanje Generalnog sekretara Univerziteta u Tuzli broj:

04-5416-1-5/21 od 18.10.2021.godine. Odluka je donesena nakon razmatranja konačnog rješenja Glavnog kantonalnog inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine koje je potvrđeno rješenjem Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, donesenim po žalbi Univerziteta u Tuzli.

Po tužbi Univerziteta u Tuzli i dr. sc. Nermine Hadžigrahić, red. prof., rektora Univerziteta u Tuzli, podnesenoj po punomoćnicima Ismetu Beganoviću, Minki Pašić i Mirzi Hrustiću, advokatima iz Tuzle, protiv rješenja Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, Kantonalni sud u Tuzli je donio Presudu broj: 03 0 U 022807 22 U od 17.11.2022. godine, kojom je uvažio tužbu, te poništio rješenje Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, kao i prvostepeno rješenje Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine.

Na sjednici od 24.11.2022. godine, Upravni odbor se upoznao sa presudom Kantonalnog suda. Zaključeno je da se presudom nije preispitalo postupanje Upravnog odbora koji je postupao po konačnom rješenju Glavnog kantonalnog inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona. U tom smislu, zaključeno je da je Upravni odbor postupao po Zakonu o upravnom postupku jer je postupio isključivo po navedenom rješenju, a nakon što je isto dostavljeno Upravnom odboru od strane Rektorice Univerziteta u Tuzli. Izvršenje rješenja nije odloženo od strane nadležnog organa uprave niti od strane suda.

Nakon što je rješenje poništeno presudom Kantonalnog suda, protiv koje žalba nije dozvoljena, Upravni odbor je zaključio da postoji obaveza poostupanja po istoj, te da se ista mora izvršiti.

Cijeneći da je Upravni odbor donio Odluku o poništavanju Odluke Upravnog odbora o raspisivanju Internog oglasa za izbor i imenovanje Generalnog sekretara Univerziteta u Tuzli broj:04-5416-1-5/21 od 18.10.2021.godine, po konačnom rješenju Glavnog kantonalnog

inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine, koje je presudom suda poništeno, Upravni odbor je i odlučio kao u dispozitivu ove Odluke.

Ova Odluka je konačna analognom primjenom odredaba člana 99. stav (5) Statuta Univerziteta u Tuzli.

## 2.2

### **ODLUKU** **o poništavanju Odluke Upravnog odbora broj: 04-6345-1-3.2.1/22** **od 14.11.2022.godine**

#### **I**

Poništeva se Odluka Upravnog odbora Univerziteta u Tuzli broj: 04-6345-1-3.2.1/22 od 14.11.2022.godine.

#### **II**

Ova Odluka je konačna.

#### **O b r a z l o ž e n j e**

Odlukom Upravnog odbora Univerziteta u Tuzli broj: 04-6345-1-3.2.1/22 od 14.11.2022. godine poništena je Odluka Upravnog odbora o izboru i imenovanju Jasmine Berbić, dipl. pravnik za Generalnog sekretara Univerziteta u Tuzli broj: 04-6710-1-5.2/21 od 30.11.2021. godine. Odluka je donesena nakon razmatranja konačnog rješenja Glavnog kantonalnog inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine koje je potvrđeno rješenjem Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, donesenim po žalbi Univerziteta u Tuzli.

Po tužbi Univerziteta u Tuzli i dr. sc. Nermine Hadžigrahić, red. prof., rektora Univerziteta u Tuzli, podnesenoj po punomoćnicima Ismetu Beganoviću, Minki Pašić i Mirzi Hrustiću, advokatima iz Tuzle, protiv rješenja Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, Kantonalni sud u Tuzli je donio Presudu broj: 03 0 U 022807 22 U od 17.11.2022. godine, kojom je uvažio tužbu, te poništio rješenje Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, kao i prvostepeno rješenje Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine.

Na sjednici od 24.11.2022. godine, Upravni odbor se upoznao sa presudom Kantonalnog suda. Zaključeno je da se presudom nije preispitalo postupanje Upravnog odbora koji je postupao po konačnom rješenju Glavnog kantonalnog inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona. U tom smislu, zaključeno je da je Upravni odbor postupao po Zakonu o upravnom postupku jer je postupio isključivo po navedenom rješenju, a nakon što je isto dostavljeno Upravnom odboru od strane Rektorice Univerziteta u Tuzli. Izvršenje rješenja nije odloženo od strane nadležnog organa uprave niti od strane suda.

Nakon što je rješenje poništeno presudom Kantonalnog suda, protiv koje žalba nije dozvoljena, Upravni odbor je zaključio da postoji obaveza poostupanja po istoj, te da se ista mora izvršiti.

Cijeneći da je Upravni odbor donio Odluku o poništavanju Odluke Upravnog odbora o izboru i imenovanju Jasmine Berbić, dipl. pravnik za Generalnog sekretara Univerziteta u Tuzli broj: 04-6710-1-5.2/21 od 30.11.2021. godine, po konačnom rješenju Glavnog kantonalnog

inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona broj: 17/4-VI-34-004116/22 od 27.05.2022. godine, koje je presudom suda poništeno, Upravni odbor je i odlučio kao u dispozitivu ove Odluke.

Ova Odluka je konačna analognom primjenom odredaba člana 99. stav (5) Statuta Univerziteta u Tuzli.

## 2.3

### **ODLUKU** **o poništavanju Odluke Upravnog odbora broj: 04-6418-1-1/22** **od 15.11.2022.godine**

#### **I**

Poništeva se Odluka Upravnog odbora Univerziteta u Tuzli broj: 04-6418-1-1/22 od 15.11.2022. godine.

#### **II**

Ova Odluka je konačna.

### **O b r a z l o ž e n j e**

Upravni odbor Univerziteta u Tuzli je donio Odluku broj: 04-6418-1-1/22 od 15.11.2022. godine kojom nije izvršio izbor Jasmine Berbić, dipl. pravnik za vršioca dužnosti Generalnog sekretara Univerziteta u Tuzli, a po prijedlogu Rektorice Univerziteta u Tuzli broj: 01-6414-1/22. od 15.11.2022. godine.

Odluka je donesena nakon što je Upravni odbor donio Odluku o poništavanju Odluke o izboru i imenovanju Generalnog sekretara Univerziteta u Tuzli broj:04-6710-1-5.2/21 od 30.11.2021. godine koja je konačna.

Upravni odbor je poništio Odluku nakon razmatranja konačnog rješenja Glavnog kantonalnog inspektora za obrazovanje, nauku, kulturu i sport Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine koje je potvrđeno rješenjem Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, donesenim po žalbi Univerziteta u Tuzli.

Po tužbi Univerziteta u Tuzli i dr. sc. Nermine Hadžigrahić, red. prof., rektora Univerziteta u Tuzli, podnesenoj po punomoćnicima Ismetu Beganoviću, Minki Pašić i Mirzi Hrustiću, advokatima iz Tuzle, protiv rješenja Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, Kantonalni sud u Tuzli je donio Presudu broj: 03 0 U 022807 22 U od 17.11.2022. godine, kojom je uvažio tužbu, te poništio rješenje Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, kao i prvostepeno rješenje Kantonalne uprave za inspekcijske poslove Tuzlanskog kantona broj:17/4-VI-34-004116/22 od 27.05.2022. godine.

Nakon što je rješenje poništeno presudom Kantonalnog suda, protiv koje žalba nije dozvoljena, Upravni odbor je poništio svoju Odluku broj: 04-6345-1-3.2.1/22 od 14.11.2022.godine, čime je prvobitna Odluka o izboru i imenovanju generalnog sekretara ostala na snazi.

Cijeneći prednje navedeno, Upravni odbor je i odlučio kao u dispozitivu ove Odluke.

Ova Odluka je konačna analognom primjenom odredaba člana 99. stav (5) Statuta Univerziteta u Tuzli.

**O D L U K U**  
**o poništavanju Odluke Upravnog odbora broj: 04-6434-1-1/22**  
**od 17.11.2022.godine**

**I**

Poništeva se Odluka Upravnog odbora Univerziteta u Tuzli broj: 04-6434-1-1/22 od 17.11.2022. godine.

**II**

Ova Odluka je konačna.

**O b r a z l o ž e n j e**

Upravni odbor Univerziteta u Tuzli je donio Odluku broj: 04-6434-1-1/22 od 17.11.2022. godine kojom je izabrao Nađu Salkić, bachelora prava za vršioca dužnosti Generalnog sekretara Univerziteta u Tuzli, a po prijedlogu Rektorice Univerziteta u Tuzli broj: 01-6433-1/22. od 16.11.2022. godine.

Odluka je donesena nakon što je Upravni odbor donio Odluku o poništavanju Odluke o izboru i imenovanju Generalnog sekretara Univerziteta u Tuzli broj: 04-6710-1-5.2/21 od 30.11.2021. godine koja je konačna.

Upravni odbor je poništio Odluku nakon razmatranja konačnog rješenja Glavnog kantonalnog inspektora za obrazovanje, nauku, kulturu i sport Kantonalne uprave za inspeksijske poslove Tuzlanskog kantona broj:17/4-VI-34-004116/22 od 27.05.2022. godine koje je potvrđeno rješenjem Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, donesenim po žalbi Univerziteta u Tuzli.

Po tužbi Univerziteta u Tuzli i dr. sc. Nermine Hadžigrahić, red. prof., rektora Univerziteta u Tuzli, podnesenoj po punomoćnicima Ismetu Beganoviću, Minki Pašić i Mirzi Hrustiću, advokatima iz Tuzle, protiv rješenja Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, Kantonalni sud u Tuzli je donio Presudu broj: 03 0 U 022807 22 U od 17.11.2022. godine, kojom je uvažio tužbu, te poništio rješenje Ministarstva obrazovanja i nauke Tuzlanskog kantona broj: UP2-10/1-30-000197-22 od 14.07.2022.godine, kao i prvostepeno rješenje Kantonalne uprave za inspeksijske poslove Tuzlanskog kantona broj:17/4-VI-34-004116/22 od 27.05.2022. godine.

Nakon što je rješenje poništeno presudom Kantonalnog suda, protiv koje žalba nije dozvoljena, Upravni odbor je poništio svoju Odluku broj: 04-6345-1-3.2.1/22 od 14.11.2022.godine, čime je prvobitna Odluka o izboru i imenovanju generalnog sekretara ostala na snazi.

Cijeneći prednje navedeno, Upravni odbor je i odlučio kao u dispozitivu ove Odluke.

Ova Odluka je konačna analognom primjenom odredaba člana 99. stav (5) Statuta Univerziteta u Tuzli.

Na prijedlog Predsjednika, Upravni odbor je sa ove sjednice uputio i sljedeći

O D G O V O R  
na dopis advokata Ismeta Beganovića

Upravni odbor Univerziteta u Tuzli je uvijek, a tako će biti i u daljem radu, postupao isključivo rukovodeći se principom zakonitosti, djelujuću u okviru svojih nadležnosti propisanih članom 51. Zakona o visokom obrazovanju TK i članom 50. Statuta JU Univerziteta u Tuzli. Upravo postupajući u skladu sa navedenim principom zakonitosti Upravni odbor je postupao i u konkretnom slučaju vaših vlastodavaca, pa zastrašivanje Upravnog odbora aktom koji ste uputili u njihovo ime neće ni na koji nači omesti ili spriječiti Upravni odbor da i dalje djeluje zakonito.

Upravni je odbor je postupao po **konačnom i izvršnom** Rješenju Glavnog kantonalnog inspektora za obrazovanje nauku, kulturu i sport Kantonalne uprave za inspekcijske poslove Tuzlanskog kantona, broj: 17/4-VI-34-004116/22 od 27.05.2022. godine.

Vama su poznate ili bi barem morale biti poznate, s obzirom na dugogodišnju ozbiljnu praksu advokata koju obavljate, relevantne odredbe Zakona o upravnom postupku FBiH, posebno naglašavamo član 267. st. 2. tačka 3., te odredbe Zakona o upravnim sporovima FBiH, pa time i svojstva konačnosti i izvršnost upravnog akta, te činjenica da izjavljena tužba, po pravilu, ne sprečava izvršenje rješenja (član 17. st. 1.).

Akt koji ste nam ranije uputili pozivajući se na čl. 17. st. 2. Zakona o upravnim sporovima FBiH tražeći od Upravnog odbora odlaganje izvršenja osporenog upravnog akta, a da to niste tražili od nadležnih organa (prvostepenog organa uprave ili suda) postavlja znak pitanja u vezi Vašeg poznavanja pravila upravnog postupka i upravnog spora ili je, pak, u pitanju nešto drugo?!

Da je u pitanju to nešto drugo potvrđuje nesporna činjenica da **nezakonito** postupanje u konkretnom slučaju postoji jedino na strani vaših vlastodavaca kada su svjesno odlučili ne postupati po navedenom **izvršnom** rješenju nadležnog organa, a da pritom niti na jedan zakonit način nije odloženo izvršenje, osim da je izvršenje „odloženo“ stavljanjem rješenja u ladicu i ne obavještanjem Upravnog odbora za postojanje istog. Zašto niste upozorili svoje vlastodavce na to **nezakonito postupanje**, mada po funkciji koju obavljaju su znali ili morali znati da nepostupanje po konačnim i izvršnim rješenjenjima, te izlaganje JU Univerziteta u Tuzli prekršajnoj odgovornosti i novčanoj kazni nakon ponovljenog inspekcijog pregleda (što bi vodilo oštećenju budžeta TK-a) zbog nepostupanja vodi zloupotrebi položaja koje obavljaju čime se nanosi šteta po opći interes?! Zašto kada ste izjavili tužbu sudu 19.08.2022. godine niste istovremeno podnijeli zahtjev za odlaganje izvršenja osporenog upravnog akta do okončanja upravnog spora? Vrlo dobor znate, a o tome upoznajte i svoje vlastodavce da jedino nezakonito postupanje postoji na njihovoj strani i to za cijelo vrijeme do donošenja presude Kantonalnog suda Tuzla, pa čak i donosena presuda to vrijeme njihovog nezakonitog postupanja ne može učiniti zakonitim!

Sve odluke koje je Upravni odbor na svojim sjednicima donio u vezi sa provođenjem Rješenja Glavnog kantonalnog inspektora su **zakonite**, i Vi to vrlo dobro znate, a o tome žurno upoznajte i svoje vlastodavce!

Konstatacije da se „neko oglašivao na Vaša upozorenja“, zatim da „predsjednika Upravnog odbora smatrate direktno odgovornim za nezakonita postupanja“ kao i konstatacija da se

hitno „ukolne“ nezakonite, pravne i druge štetne posljedice za vaše klijente i da se prestane sa daljim aktivnostima vezanim za njih i njihove funkcije i radna mjesta“, Upravni odbor **smatra pokušajem zastrašivanja i ometanja u vršenju zakonskih i statutarnih ovlaštenja**. Upravni odbor će, a kao što je i do sada radio, postupati isključivo po aktima nadležnih organa, a sve u skladu sa zakonom i podzakonskim aktima.

Aktima koje nam šaljete stvara se jedan disbalans unutar same ustanove JU univerziteta u Tuzli na način da se **špekulacijama i sugestijama** stvara privid u nezakonito postupanje Upravnog odbora. Ne postoji niti jedan formalni razlog za ovakav vid komunikacije vaših vlastodavaca i Upravnog odbora osim možda skretanje pažnje sa naprijed navedenog njihovog postupanja.

Nakon što su pitanja po tačkama dnevnog reda iscrpljena, predsjednik Upravnog odbora je zaključio sjednicu u 15 sati i 40 minuta.

## ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-6557-1/22

Tuzla, 24.11.2022.godine

PREDSJEDNIK  
UPRAVNOG ODBORA

dr.sc. Semir Ahmetbegović, vanr.prof.